

Өвс белдлгънд олзта м а ш и н

Элст балгъсна «Буратинский» совхозин койрдгч фермин өвс хадлгънд тракторист Музкаев Василий Манджиевич шундж, сән үзмүжтә кӧдлдж йовна.

Музкаев — тракторист болн өвс хадн йовдж өвс шахлгъна машинә машинист. Өвс хаддж хуралгъна өдрә кемджәгъән данъгин 130-150 процент кӱргдж кӱцәнә.

Эн шунмгъа машинистин өдртән хаддж, шахдж боох өвснә зурань 800 тюк, кӱцәджәхнь 1000-1200 тюк өвсн. Тиим нег тюк өвснъ 35 килограмм татна.

Тюклад белдчксн цуг өвсн тер дарунь малин үвлзньгӱр зӧӧдж овалгдна.

Эн машин йир ик олз-ору совхозд өгхмн. Тер төләд, энүнд оньган өгч, цеврәр бәрдж эдлх зӧвтәвдн.

Эн совхозин өвс хадачнр өӧдән даалгъвр авцхадж, олна малд элвг хот белдхмн гидж чидлән әрвллго кӧдлджәцхәнә.

Х. АБЕЕВ.